

SCRIPT OF MORNING GOJRI NEWS BULLETIN 30MAY 2025

1015HRS

مارننگ گو جری نیوز بلیٹن مورخہ 30 مئی 2025

یوہ آکا شوانی جموں ہے محبوب سلطانیں تیں خبر سُنو۔

HM JMU VISIT

مرکزی وزیر داخلہ امت شاہ نے پچھلی رات جموں مانہہ اک اعلیٰ سطحی میٹنگ کی صدارت کر گئے جموں کشمیر مانہہ حفاظتی صورتحال غو جی ایزو لیو ہے۔ جناب شاہ نے سالانہ امر ناتھ یاترا واسطے حفاظت گئے نال نال دوجا انتظامات گو وی جی ایزو لیو۔ واضع رہ جے سالانہ امر ناتھ یاترا اس سال 3 جولائی نانہہ شروع وے گی اس دوران اُنہاں نانہہ یاترا واسطے چایا گیا حفاظتی قدم بارے تفصیلی جانکاری فراہم کی گئی۔ جناب امت شاہ مرکزی زیر انتظام علاقہ گا 2 روزہ دورہ ور پچھلی شام جموں پُجیا تھا اس ضمن مانہہ مرکزی وزیر داخلہ اج پونچھ گو دورو کر گئے جت وی حالیہ پاکستانی گولی باری توں متاثر ہون آلا لوکاں سنگ ملاقات کریں گا۔

DY CM UDH VISIT

ڈپٹی وزیر اعلیٰ سریندر چودھری نے پچھلے تہاڑے ادھمپور گو تفصیلی دورو کر گئے سرکاری طبی کالج ادھمپور مانہہ چل ربیا کم کاج گو معیٰ بنو کیو ہے اس دورہ غے دوران ڈپٹی وزیر اعلیٰ نے متعلقہ ایجنسیاں نانہہ ضروری ہدایت جاری کرتا مانہہ کہیو جے کم کاج مانہہ مزید تیزی آئی جے تانجے مٹھی وی مست یعنی جولائی 2025 توڑی اس نانہہ پورو کیو جاسکے واضع رہ جے اس کم نانہہ عوامی کماں گا محکمہ غی طرفوں کیو جارہیو ہے اس تیں پہلاں ڈپٹی وزیر اعلیٰ نے باگلا مکھی مندر ادھمپور مانہہ حاضری دیں گا جموں کشمیر گا لوکاں واسطے امن تے خوشحالی کی دعا وی کی۔

RANA MUGHAL ROAD

جنگلات تے ماحولیات گا وزیر جاوید احمد رانا نے پچھلے تہاڑے شوپیاں ضلع مانہہ پیر گی گلی گو دورو کیو اس دورہ گئے دوران وزیر موصوف نے پیر گی گلی مانہہ عقیدت منداں واسطے بنیادی ٹانچہ نانہہ بہتر بنان تے مغل سڑک گئے نال ماحولیاتی تحفظ نانہہ فروغ دین گی اہمیت ور زور پایو۔ اُنہاں نے کہیو جے محکمہ کی طرفوں پیر گی گلی مانہہ عقیدت واسطے عارضی ربن واسطے کیمپ بنایاں جیں گا۔ تانجے اُنہاں نے آرام تے مکمل سہولت فراہم کی جاسکیں اس ضمن مانہہ اُنہاں نے کہیو جے مسافراں کی ضرورت نانہہ دیکھتا مانہہ ماحول دوست عارضی ربن آلی جگہ وی بنائی جے غی اپنا دورہ غے دوران جناب جاوید رانا نے جنگلی جانوران گا تحفظ آلی جگہ بیرپورا و لاڈ لا ف سنچری گو معیٰ بنو کیو جت اُنہاں نے مارخور گی بحالی کی کوششاں گو جی ایزو لیو۔

RANA SURANKOTE VISIT

جل شکتی غا وزیر جاوید احمد رانا نے پچھلے تہاڑے پونچھ ضلع کی تحصیل سرنکوٹ غا علاقہ بفلپاز مانہہ پرتی پانی بجلی پروجیکٹ گو جی ایزو لیو اس موقع ور اُنہاں نے پانی گو تحفظ گا انتظام مانہہ مقامی لوکاں گا مفاد نانہہ ترجیح دین گی اہمیت ور زور پایو وزیر موصوف

نے کہیو جے جموں کشمیر گا لوکاں گو پانی گا وسال ور پہلو حق ہے تے ان گا مفاد گو تحفظ
نے فروغ کھاسو ضروری ہے پرنا ای پانی بجلی پروجیکٹ ور ہائی پیش رفت گو جائیزو لیتا
واں انہاں نے متعلقہ ایجنسی ور اس گل گو زور پایو جے مٹھی وی مدت مانہ اس نانہ پورو
کیو جے واضع رہ جے پرنی پروجیکٹ گا دوجہ مرحلہ غے تحت مینڈر گا کجھ علاقاں مانہ
آنپاشی گی سہولت فراہم کرن واسطے منصوبو بنایو گیو تانجے مقامی زراعت گی ترقی گے
نال نال ات گا بسنیکاں کی زندگی بہتر بنایو جاسکے۔

DAR VIKSIT KRISHI

وکست کرشی سنکاپ ابھیان گا شروعات گی افتتاحی تقریب پچھلے تہارے شیر کشمیر
یونیورسٹی برائے کھیتی باڑی سانس تے ٹیکنالوجی کشمیر گا کنسوشن مرکز مانہ منعقد ہوی
جس کی صدارت وزیر زراعت جاوید احمد ڈار نے کی۔ 15 تہاڑاں توڑی جاری رہن آلی اس
مہم مانہ کساناں نانہ جدید تے علاقاں مخصوص ٹیکنالوجی بارے جانکاری دین تے علاقاں
مخصوص ٹیکنالوجی بارے جانکاری دین تے حکومت کی طرفوں اہم سکیمیں تے پالسیاں بارے
بیادری عام کرن غے نال نال مٹی غی صحت کارڈ گو استعمال کرگے بہتر فصلاں نانہ ٹپن
تے کھاد گا استعمال بارے جانکاری دتی جے گی اس تقریب سنگ خطاب کرتا مانہ وزیر
موصوف نے کساناں نانہ زرعی ساداناں سنگ براہ راست گل بات کرن بارے کیو تے انہاں
نے اس گل کی یقین دہانی کروائی جے ہر سوال تے مسال گا حل واسطے پوری مدد کی جے
گی۔

SDRF

جموں کشمیر پولیس گا اڈیشنل ڈائریکٹر جنرل الوک کمار نے ہومگارڈ سول ڈفنس تے قدرتی
آفات سنگ نمرن واسطے ریاستی فوج گا کمانڈنٹ جنرل گو اضافی چارج سبھال تو بعد انہاں
نے ایک جائیزہ میٹنگ گی صدارت کی اس میٹنگ مانہ انہاں نے سول ڈفنس واسطے موجود
سمان کی موجودہ صورتحال تے کمی گو وی جائیزو لیو۔ انہاں نے تمام متعلقہ اداراں نانہ ہدایت
جاری کرتا مانہ کہیو جے وے کسی وی قدرتی آفت سنگ نمڑن واسطے ہرویلے تیار رہیں۔ اس
میٹنگ مانہ قدرتی آفت سنگ نمڑن واسطے قومی ٹیم سول ڈفنس گا رضاکاراں تے دیگر
بشکار مضبوط کوششاں نانہ بدھان بارے زور پایو گیو۔

RAMBAN NRLM

قومی دیہی روزگار مشن گے تحت ضلع رام بن مانہ بکھ بکھ گرایاں تے طبقات واسطے اک
کلستر گروپ بنایو گیو ہے جس گو مقصد دیہی روزگار نانہ مضبوط بنان واسطے حکمت
عملی تیار کرنو ہے جس سنگ کاربار تے ہئر مندی نانہ فروغ مالی خدمات تک رسائی تے
بکھ بکھ عوامی سہولت گا بہتر استعمال نانہ ممکن بنایو جاسکے گو یوہ قدم خاص طور ور
دور دراز علاقاں مانہ رہن آلی خواتین کی زندگیاں نانہ بہتر بنان واسطے ہے جس گے تحت
انہاں نانہ اپنی مدد آپ آلا گروپ مانہ شامل کیو جے تانجے مالی شمولیت مہیا کروان گے نال
نال روزگار گا مواقع پیدا کیا جاسکیں۔

ANNOUNCEMENT

علاقائی خبراں آلا شعبہ آکاشوانی جموں غی طرفوں ضلع کٹھوعہ واسطے عارضی نامہ نگاراں
یعنی پی ٹی

سی واسطے درخواست منگی گئی ہیں۔مجوزہ پرفارمہ ور عارضی نامہ نگار غی پوسٹ مانہہ دلچسپی رکھن
آلا ایسا امیدوار درخواست دے سکیں گا جہیڑا ضلع کٹھوعہ گا بسنیک ویں تے اُن غی عمر 24
براں تیں
براں غے بشکار وے۔ پی ٹی سی غی اس پوسٹ واسطے تعلیمی قابلیت پی جی ڈپلومہ یا 50
صحافت غا شعبہ
مانہہ ڈگری یافر تسلیم شدہ یونیورسٹی تیں گرجویشن غے ہمراہ 2 براں غو صحافت مانہہ تجربو
مقرر کیو گیو ہے۔
اس تیں علاوہ کمپیوٹر تے ورڈ پروسیسنگ نالے خبر اکٹھی کرن آلا آلات تے میڈیا کوریج مانہہ
تجربو وی
ضروری ہے۔عارضی نامہ نگار غی پوسٹ مانہہ دلچسپی رکھن آلا امیدوار واسطے لازمی ہے
جے ضلع صدر دفتر
کٹھوعہ یا اس تیں 10 کلو میٹر غاڈارہ غے اندر رہا ش پزیر وے اس سلسلہ مانہہ درخواست
غی بارڈ کاپی
ضروری دستاویزات غے ہمراہ ہیڈ ریجنل نیوز یونٹ آکاشوانی پنجتر تھی جموں مانہہ بزات خود
آیندہ

جون توڑی دے سکیں۔ اس بارے مزید جانکاری ویب سائٹ 15
ور دستیاب ہے۔ www.newsonair.gov.in
